

Zeitschrift: Annalas da la Societad Retorumantscha
Herausgeber: Societad Retorumantscha
Band: 58 (1944)

Artikel: Qualchosa davart l'istorgia da la vschinauncha da Bravuogn
Autor: Cloetta, G. G.
DOI: <https://doi.org/10.5169/seals-213611>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 22.08.2025

ETH-Bibliothek Zürich, E-Periodica, <https://www.e-periodica.ch>

Qualchosa davart l'istorgia da la vschinaunda da Bravuogn

Da G. G. Cloetta.

Introducziun.

Il fat, cha la baselgia parochiela sü Somvih, dedicheda a San Peder e San Florin, ais fabricheda dal 1188, scu sto scrit aint il cor da la baselgia, lascha suppuoner, cha nossa chera vschinaunchetta saja veglischma. Ed il medem ans disch eir la veglia tuor, il cuntrasegn characteristic per Bravuogn, da la quela nos convschin barmör Linard Juvalta-Cloetta ho ramasso e publicho avaunt pochs ans tuot que, ch'ün so da dir hoz dad ella. Sch'ella nu saro neir güst our dal temp romau, schi ho ella sgür la venerabl' eted da passa milli ans. La tradizun quinta auch' hoz, cha quella eira üna vouta süsom vschinauncha e cha quaista s'extendaiva eir giò pels Curtins, la terrassa da pros traunter las ovas da Preda e da Tuors, inua as vezza dal rest auch' hoz fastizis da sulams. Que saro sto quella vouta, ch'ün ho trat giò l'ovel da Puoz cun otas channels, chi passaivan aucha da noss algords da davous la Crusch Alva sur la via d'Fuschina e tres la chesa Müller, uossa Veraguth, per gnir a terra pür suot la tuor.

Seguond dr. Lorenz «Zur Geschichte des Hochgerichts Greifenstein» saja documento il nom da la vschinauncha per la prüma vouta dal 1309. Ün tschert «Lütpriester von Purgünne» cumpera cò scu perdütta in ün contrat da barat da fuonz. Però seguond dr. Jules Robbi as rechatta aint il archiv da l'uväs-ch da Coira üna documentaziun aucha pü veglia, üna glista d'entredgias da l'uväs-ch da l'an 1298, inua vain nomno ün «Burgiune» (v. Annalas 31, 1917). Dr. Robbi ho chatto in actas dal 14. e 15. tschientiner 23 differents möds da scriver il nom, be in pochs da quels vain el scrit cun *P*, ed il prüm vocal ais bod *u*, bod *e*, bod *a*, ma generelmaing

vaun quaists ouravaunt a l'r, dimena cuntrari al möd da dir d'hoz = Brauégn. Co e cura cha quella müdeda da l'a—r in r—a s'ho fatta, savaron da dir noss filologs. Co, cura e perche cha l'e da Brauégn s'ho müdo in o, e chi's s'ho struscho aint quel v traunter l'a e l'u, pera cha sapchans dir eir nus laics: que saro sto l'influenza da l'Engiadina zieva la refuorma, scu già dit in oter lö. Hoz as stuvess scriver Brauogn, perche quel v ais cò güst uschè ingüstificho scu l'o e'l v aint il nom Chaclauet. Que saro bain üna vusch our dal desert, ma eau stögl l'istess dir.

La vschinauncha dess esser arsa giò durant la guerra traunter l'uvas-ch da Coira e'l barun Donat da Vaz l'an 1323 cumplettamaing. Que saro sto quella vouta ch'ün ho alura fabricho las chesas pü insü fin tar la baselgia. E da quel vegl «Purgünne» valaro l'ipotesa da Champell, cha el saja sto üna cited, da la quela existivan quella vouta aucha rudiimaints da mürs. La tuor saro alura bain steda üna part da quaists mürs e cun sieus mürs da pü d'ün meter grossezza sgür ün refugi per la populaziun in temps da guerra.

La signuria Greifenstein cun sieus 4 cumüns Bravuogn, Filisur, Latsch e Stul e glieud da Brinzouls, Lantsch, Vazerouls e Surava, pü bod eir da Tain e Tavo e dafatta tscherts bains a Churwalda appartgnaiva già aunz ils 1188 a l'uvas-ch da Coira e gniva administreda da chastlauns (de Greifenstein 1233, de Wildenberg 1255), pü tard eir cedida als baruns da Vaz. Ma 1390 repiglia l'uvas-ch Hartmann darcho il signuredi cun tuots sieus drets. Però già dal 1537 stu l'uvas-ch vender tuottaffat per pajer sieus debits, ed il pövel as profita da l'occasiun e cumpra giò tuot insempre per fl. 2300.—. Già dal 1476 avaiva Ortlieb de Brandis do a fit «in möd da feudo» a Jan Zeolten da Bravuogn bains a Bravuogn, Preda e Tuors, adüts numnedamaing, culla condiziun, ch'el e sieus ertevels possan giodair, ma na revender, impiner, baratter, spartir u sparaglier. Scu fit dess el pajer minch' an a S. Martin 9½ bunas manuochas, e sül di da Nossa Duonna da Chandailas dua mozza d'bel graun. Cunsigner als lur Governaduors e Landvogts sül chaste da Griffenstein.

Dal 1537 davent il pövel administret svess sias fatschendas, tschantaiva sia superiurited ed oters uffizis, lovaiva las robas, as daiva sieus tschantamaints e statuts, tgnava dret, fabrichava e mantgnaiva la fuorcha, scu segn da suveraunited e. u. i. Lö da

dret eira adüna Bravuogn in publica piazza davaunt la chesa dret-türiela culla tuor in fuonz. Sün quella chesa eira auncha da mieus algords ün craunz da vapas vi per la fatscheda cun oters disegns ed ornamaints vegls, que chi ais alura poch zieva dvanto victima da quella furia da remoderniser e niveler tuot cun ün pô d'ova da chütschina. Il landamma e'l scrivant u nuder «da la terra» eiran adüna a Bravuogn, il prüm gniva però aucha lönch numno eir mastrel, perche el eira a medem temp eir mastrel da Cumön. Da que derivan ils tituls *Maschel* e *Mastralessa* per il landamma e sia duonna.

Ils da Bravuogn vagliaivan dschigliusamaing sur da lur drets nouv acquistos e pajos eschamaing, els eiran eir superbis da lur fuorcha. Da que do aucha testimoniaunza üna veglia legenda, chi fo aucha hoz sieu gir e ch'ea nu'm poss artegner da la requinter. Que eiran aucha ils bels temps da la posta granda, ch'ea viagiaiva üna vouta da Scuol a La Punt. Siand eau sün l'inter trageit l'unic passager, am dschet il conductur, il vegl Theus da Domat, cha dess gnir sül banket pro el, cha possans der üna baderleda e passanter uschè il temp. Alura cumanzet el a requinter, a discurrivans ru-mauntsch, minchün in sieu linguach. Sch'ea cugnuoscha la legenda da l'inauguraziun da la nova fuorcha a Bravuogn? — Ebain, ad avaivan stuvieu fer üna nova fuorcha, perche la veglia eira ida in muschna. Il di da l'inauguraziun s'avaiva raduno tuot il pövel sulla collina da las fuorchas. Alura pigliet il pled il landamma regente, ün homun grand, chi passaiva sü pel cho a tuots oters e salvet sieu pled festel — dandet crudet il vegl Theus, ch'ea avaiva cuntschieu già da puobet insü, siand el sto bger a Bravuogn, aint il dialect da Bravuogn, s-chet e genuin: «Cò añs faz éña biala lavogr, éña biala lavogr — par nogs a pa'gls noss umfañts, ma bech pa'gls fulastiers», e stendand sü la bratscha, chi nu rivaiv' infin sü tal travers: «a grond' è'll'er auénda, pir gardè, pi gronds schelms cu ev nu dat' igl!»

Cul acquist dals drets politics cumanzettan eir dalum las litas e cuntraversas per quels traunter ils cumüns, traunter Bravuogn e quels dal «Quart» dadour la Punt Lazané, traunter Bravuogn e Filisur e traunter Bravuogn e Latsch. Laschain discuorrer cò in cuort varquauntas convegnas our dal cudesch da convenziuns, manzuno in oter lö:

Bravuogn e'l Quart.

1539 La glieud da la Chadè a Launtsch e Brinzouls plaundschan cunter las 4 Vischnaunchas:

1. Mess in dietta saj' adüna be il mastrel da Bravuogn.
2. Daners partieus our els mê nu survegnan sainz' ir svess per zieva.
3. Ils buns e principels uffizis tegnan las 4 Vischnaunchas be per ellas, ed els sajan «sarzos our». Uschè els nu vegnan pü a Bravuogn «a faer plü u meintz».
4. Dals uffizis in terras sogettias vöglan els eir la 4. part.

Las 4 Vischnaunchas staun där sün quella, cha lö da dret dess rester Bravuogn, inua vegna vuscho e tschernieu. Però i vegn fat tschertas concessiuns al Quart.

1609 Il Quart fo contrat avaunt l'inter cumön da Bravuogn:

1. Il vegl Achüerd dess rester in vigur culla moderaziun, cha els possan svess tscherner il mess in dieta, cur ch'el tuocha ad els. Quel dess però gnir a Bravuogn ad artschaiver instrucziun, e turner darcho a Bravuogn a render quint.
2. Tuots ils Bytags dessan raster e tucher a Bravuogn.
3. Dals uffizis in Valtellina tuocha al Quart ün sesevel, il quêl els possan tscherner.

1677 Cul Quart vain fat darcho ün contrat:

1. Ils vegls Achüerds restan in vigur.
2. La prossma Pudistaria digl Tell ais dal Quart.
3. Ils oters uffizis tenor las veglias cunvegnas.
4. Uffizis chi tuochan al Quart nu po quel mê surder a personas dadour il Quart.
5. Intredgias partir scu da vegl sün tuots.

1696 Nouva cunvegna cun il Quart:

1. Ils vegls contrats sun confirmos.
2. Il mess in dieta dess eir purter ils Jahrgelds ed oters daners, sch'els al vegnan depositos, e que sainza dan per ils Comöns. Sch'els nu gnissan depositos, po il landamma ir per els, dess però survgnir ün raschunabel salari.

1699 In üna conferenza da depütos dal Quart e da Bravuogn gnit stipulo, cha'l mess in dieta dess avair scu salari fl. 57.—, nu

dess però avair inguotta per mner ils daners. Scha il landamma ho dad ir per els, dess el avair per zieva fl. 6.—.

1703 Il Quart plaundscha cunter Bravuogn, cha que als tuchess ün quart e na ün sesevel. Nouv contrat:

1. Il Quart dess avair ün sesevel dals uffizis in terras subjectas.
2. Da la giodia da quaists uffizis dess Bravuogn avair 9 ündeschewels e quels dal Quart duos.
3. Da las rodas in dieta ho il Quart ün sesevel.
4. Dals daners dess il mess, turnand da la dieta e passand tres Launtsch, der lur part.
5. Ils Bytags tuochan be a quels da Bravuogn.
6. Da pensiuns ed oters daners tuoch' al Quart ün quart.
7. Schi gniss da trer in guerra vela l'ordinanza drizzeda sü Anno 1539.

1719 Quels dal Quart s'almaintan, cha'ls cuosts chi vaun sü in artschaiver l'instrucziun a Bravuogn sajan memma exageros e giavüschan moderaziun in consideraziun, ch'els «in eliger ils Sgrs. Mess e Depütos staun eir havair cuosts immüncha sesaavel an». Uschè cumperan traís homens dal Quart avaunt ün Ho. Cumön in publica plazza a Bravuogn, inua sün intermediaziun dal vegl landamma Gubert de Salis vain decis il seguaint:

In avegnir dessan ils Sgrs. dal Quart, cura ad els tuocha il mess in dieta ed haun d'artschaiver l'instrucziun, avair da pajer vi da las spaisas be fl. 10— «cun bella buna roba tenor il noass luamaint da Bravuogn, numnedamaing cun avaina u arveglia.

Bravuogn e Filisur.

1539 Da la drettüra a Zuoz (Joan Travers) vain, sün plaunt da Filisur, trat sentenzcha:

«igl loe u platz da tegner drett in chossas da malefici e da saung dess esser e saimper raster huossa & in perpetuo a Bravuogn».

Bravuogn saja oblio mincha vouta da clamer quels da Filisur, ma scha quels nu vegnan, schi possan els sulets proceder.

Tuottas causas, chi concernan las 4 vschinaunchas dessan gnir drizzedas our a Bravuogn, e'l mastrel da Bravuogn tegna la bachetta.

Trametter in dieta dess minchüna tenor sia contingenta part e seguond estim.

Daners, chartas ed abscheids da la dieta dessan gnir consignos al mastrel da Bravuogn.

In chosas civilas suot fl. 20.— possa Filisur tegner dret suot seis mastrel a Filisur.

Appello dess gnir a Bravuogn.

- 1549 Da supra sentenzcha s'ho Bravuogn agravo, ma s'haun alura cunvgnieus. Però darcho s'volva Filisur a la dieta. Quella ho do ün di da dret avaunt la drettüra da Chastè. Però darcho s'haun cunvgnieus amicabelmaing tres üna cumischiun:

Güdisch criminel cun 11 Truaduors: il mastrel e 5 oters da Bravuogn, 2 da Latsch, 1 da Stul e 2 da Filisur.

Lö da dret in malefizi dess esser Bravuogn.

Causas chi resguardan be Filisur paun tratter il mastrel e'ls 2 Truaduors da Filisur.

In chosas civilas fin fl. 20.— po Filisur tegner dret.

Appellaziun a Bravuogn.

Mess in dieta, sculers in clostra u güros ho Filisur ün settevel.

Causas chi resguardan l'inter Cumön staun gnir avaunt in «avearta plazza a Bravuogn e fatt igl plü u meintz».

In chosas generelas, chi dumandan üna cumischiun, vegnan elets 3 da Bravuogn, 1 da Filisur, 1 da Latsch ed 1 da Stul e'l mastrel da Bravuogn. Lö da dret ais darcho Bravuogn.

- 1564 Cunter la veglia instituziun, cha il güdisch tschernieu in pubblica plazza a Bravuogn vegna eir saramento a Bravuogn, protesta Filisur e pretenda, cha'l mastrel vegna a Filisur a der il saramaint als Truaduors da cuour, «cha il güramaint dess gnir prelet a lur mastrel a Filisur ed als Güros digl lö et avaunt tuots vschins». Bravuogn s'opponit, la Lia Chadè sur-

det a la drettüra da Chastè, la quela sentenzchet a favur da Filisur. Ma Bravuogn appellet a la Lia Chadè. Quaista vouta gnit que avaunt la drettüra da Zuoz.

Sentenzcha: Il mastrel dal Cumön cun il scrivaunt da la terra dess ir minch' an zieva las tschernas subit our a Filisur, fer a savair a lur mastrel, güros e tuots vschins que chi saja drizzo e der il saramaint, tuot a cuost dal Cumön grand.

1730 Nouvas differenzas traunter ils 2 Cumöns vegnan darcho güstadas avaunt la drettüra da Zuoz:

1. «Lutinent u Statthalter dess esser ün vschin da Bravuogn sco sine hora». Filisur dess gnir a Bravuogn a vuscher. Vuscher ün per ün oter nun ais permis.
2. La cunvegna dal 1549 ais adün' in vigur.
3. Affers da scussiun sur 20 fl. staun suot la bachetta dal mastrel da Bravuogn.
4. Per l'elecziun dal mastrel da Filisur nu paun fer pü cu 8, per piglier instrucziun na pü cu 4 fl. spaisas.
5. Congress tuochan a Bravuogn, merit la dieta ho Filisur ün settevel.
6. Pridschaduors da Filisur vegnan saramentos a Filisur. Scha il mastrel da Filisur nun ho peida, vegnan els a Bravuogn.
7. In differenzas futuras dess gnir disegno 2 homens per vart cun ün superarbiter.
8. Schluppets, bundolieras e bajonettas dess gnir do a Filisur «la porziun spetante».
9. Circa il Weggeld da la via nouva (tres il Crap) dess rester in vigur.
10. In fats economics e da drets nu dessan ils 7 homens fer ledschas sainza consentimaint dal Cumön.
11. In almousnas e Brandsteuer po fer mincha vschinauncha que ch'ella voul.
12. Concernant il cuolm d'Alvra vegnan confirmedas las veglias scrittüras dal 1650, 1706 e 1725. Però da sted possa Filisur mner roba sainz' impedimaint imaginabel.
13. Cun quaist dessan esser güstadas tuottas differenzas.
14. Spaisas per mez.

- 1761 Danouvamaing vegnan las duos vschinaunchas avaunt la Lia Chadè, e quella disegna ün güdisch cumpromissariel, il quêl nu fo oter cu confirmer tuot las veglias convenziuns. L'intera sentenzcha cuntegna 9 artichels, ed our dal cuntgnieu as vezza, cha las dispusiziuns da las convenziuns suvenz nu gnivan salvedas u gnivan violedas.
- 1761 Supra sentenzcha vain aucha expressamaing sancziuneda dals depütos da la Lia Chadè in occasiun da la dieta a Tavo, ed il Chancellarius da la Lia det que in scrit.

Bravuogn e Latsch.

- 1555 Latsch plaundscha avaunt la dieta cunter il Cumön, «ch'els crajan, cha nun hegian d'obedir suot ils güros ed il Hdro. Drett da Bravuogn», e s'almaintan pervia da pas-chüras etc. La chosa vain surdeda a la drettüra da Chastè, da quaista a quella da Zuoz.

Sentenzcha: «— per tuottas differentias.. intraunter dittas Vic.tias Bravuogn e Latsch, ch'els agiteschan dret avaunt ils güros da Fillisur e Stul, e cha vegnan a Bravuogn in il lö chi's tegna drett, et chia il Mastrel da Bravuogn tegna la Bachetta, ma nun giudicha» etc.

- 1717 Ils da Latsch plaundschan e pretendan, ch'els possan eir avair ün quart da tuottas entredgias da Cumön, già ch'els portan eir ün quart dals agravis. Avaunt ün solit cumön a Bravuogn gnit, sün intermediaziun dal vegl landamma Gu-bert de Salis, trat sentenzcha:

1. Tuottas entredgias generelas («uffizis da Valtellina, Jahr-gelds u pensiuns dad eisters Prinzips, Zoll della Via nouva, daners da Taschins, daners d'earvas, da fallaunzas, da Hindersess etc.») tuochan $\frac{1}{5}$ a Latsch e $\frac{4}{5}$ a Bravuogn. Però in medemma maniera vegnan partidas eir tuottas gravezas (per ex. eir ils cuosts per ils sudos).
2. Tuots oters contrats traunter las 2 vschinaunchas dessan «inavaunt raster in vigur».

1677 Deputos da Latsch cumperan avaunt mastrel e seis compagns a Bravuogn e dischan, chi hegian fat l'an passo üna stadaira granda e giavüschan da la buller. Dal «noass Mastrel da la tearra insembel cun seis H. Drett vain ad els cuntzess la litzentzchia la sur ditta stadaira da buller, imparo cun tel pagtz ed conditiun sco segue:

1. sainza prejüdicher drets da Bravuogn.
2. ün vschin da Bravuogn chi cumpra sü Latsch ho la letta da pser sü Latsch u gnir a Bravuogn a pser.

Schi gess qualche cuost per la litzentzcha deda, schi dess la vschinauncha da Latsch pajer sainza cuntradicziun».

1691 Bravuogn e Latsch haun «chiato unitameins da fer muong sur las aclas d'las Punts d'Alp cioe intraunter la via d'frislas e la via dla Muotta, da co chi vaun a la preschainta. Ed sur las aclas da Saliatz, cioè del spih prim dadains la acla da M. Steivan v. Jochberg ed infina our al prim platz ed aque intuot ed pertuot daco chi ais muong Giardanna ed Plantizolas».

* * *

Quaists varquaunts exaimpels our da la bgerüra da documaints aint il cudesch da convenziuns bastan per der ün' ideja da l'esser da la drettüra e sias superiuriteds. Natürelmaing cha quaistas avaivan da's fatschender dasperavi eir adüna cun multifaris affers economics, scu sun il trafic e la ruotta sur Alvra, cunfins e gods traunter las 4 vschinaunchas, la fabrica da la via tres il Crap (1696), taschins, l'ovel da Puoz, il Lej da Palpuogna, funtaunas sül próvi e. u. i. Remarcabel aise però, cha aint in l'inter cudesch nu vegnan manzunedas cun üngün pled las minieras da fier aint a Plazbi e sü Tisch, las quelas haun tuottüna do a las autoriteds dal cumön lavur e fastidi ed al pövel lavur e guadagn per tschientiners a la lungia, l'ultim fin 1848.

Pü tard stuvet il cumön da Bravuogn fer aucha püssas concessiuns invers ils oters cumöns cun regard al landamma ed al lö da la tschanteda, il lö da «tschanter las superiuriteds ed oters uffizis». Filisur survgnit sieu prüm landamma, scu's vezza our da la glista cò zieva, dals 1826 illa persuna da Giosch Lorenz. Latsch cun Johann Guidun dal 1881 e Tain cun Johann Bernhard dal

1921. Stul mê nun avet ün landamma. Lö da la tschanteda restet Bravuogn sulet infin aint pel 20. tschientiner, alura gnit stipulo, sün instanza da Filisur e Tain, il turnus da duos voutas Bravuogn ed üna vouta Filisur. Tain füt incorporo dal 1848 al circul Bravuogn e turnet uschè «tar sia prüm' amur». Il Quart dadour la punt Lanzané tuchet da lo davent al circul Belfort.

* * *

*Glista incumplecta dals Mastrels e Nuders dal cumön da Bravuogn,
dals Landammas e scrivaunts «da la terra» e dal circul.*

1. Mastrels e Nuders publics dal cumön da Bravuogn.

- 1431 Hans Schalkett, «da que temp Mastrel da Bùrgùn» (quitanza da l'uvais-ch per 180 fl.)
- 1462 Janot Durisch e Batrumieu v. Bertschavé, avuos d'baselgia.
- 1476 Jan Zeolten, vain inchargio da l'uvas-ch da Coira scu seis cher e fido amih! El survain da quel ün feudo.
- 1510 Amann Lienhard Muntsch (segna la controversa Plan Tjatsch inpè da Junkr. Heinrich da Griffenstein).
- 1519 Linard Muntsch, mastrel (cooperescha illa convegna merit bavrer i'l Uel da Puoz).
- 1520 Linard Muntsch (causa da l'alp Oziur a Filisur cunter Chastè).
- 1525 Linard Muntsch (causa pervia dal bavrer in alps da Filisur).
- 1534 Christoffel d'l'Uorschla (Bernard), scrivaunt.
- 1537 Christoffel Bernard (cooperescha scu «da que temp Mastrael da Bravuong» al contrat da cumpra our da l'uvais-ch).

2. Landammas e scrivaunts da la drettüra («da la terra»).

- 1539 Christoffel Bernard (rapreschainta Bravuogn insembel cun Hans Fuffa, Peder del Zieuth e Hans della Piencha in causa cunter Filisur a Zuoz).
- 1540 Christoffel Bernard, mastrel (causa da l'alp Ullis).
- 1544 Peder digl Toutsch.
- 1547 Christoffel Bernard.

- 1549 Johannes Schalchett («da que temp Mastrael da Bravuong», rapreschainta Bravuong cun Jan della Piencha e Peder digl Toutsch in causa cunter Filisur.)
- 1550 Johannes Schalchett scu mastrel e culs seguants commembers fo ils prüms schantamaints: Johann Muntius, Jacob Pol Clo, Jacob Zeuth, Jacob Pazeller, tuots da Bravuogn, Jan digl Schneder da Falissur, Josch digl Josch da Latsch e Jan dil Clo Gilli da Stul.
- 1552 Caspar della Bernardino (Bernard), Ammann (rapreschainta cun oters il cumön in convegna pervia da la ruotta).
- 1555 Jan Schalchett, Ammann (archiv Filisur 19).
- 1556 Caspar dla Bernardino, Ammann (cumischiun da terms cunter Zuoz).
- 1558 Gregorio Pol Clo, Ammann
- 1560 Giargieli digl Pol (Pol Clo) (convegna cun Filisur per via da metter terms sün Uglis).
- 1562 Claus Josch Dschieut (tenor Estem).
- 1564 Jachian Schalchett, Ammann
- 1565 Jachian Schalchett (firmo e sigillo il contrat dallas minieras da Filisur).
- 1567 Thomas Dschieud, «wahrer Ammann zu Burgun» (in documentant 12 F. concernand las minieras da Filisur).
- 1568 Christoffel Jos. Dschender, Ammann
Giargieli Pol Clo, Statthalter
- 1573 Jacob Schalchett, Ammann
- 1575 Jan Peder Schalchett (parachieda cun Madleina della Pola per pros in Urmignia).
- 1579 Jan Peder Schalchett (tenor Estem),
Thomas Zeuth, Cancellarius Comunitatis (Estem).
- 1580 Jan Peder Schalchett, mastrel
Thomas Zeuth, Cancellarius.
- 1583 Christoffel Tschender, mastrel (tenor Estem),
Petter Fallett, Schryber (Estem).
- 1584 Peter Fallet, mastrel,
Peter Nutt d'l'Orgen, scrivaunt.
- 1587 Peter Fallet, mastrel,
Peter Nutt d'l'Orgen, scrivaunt.

- 1588 Peter Fallet, mastrel,
Peter Nutt d'l'Organ, scrivaunt.
- 1589 Claus Giargieli (Pol Clo), mastrel.
- 1590 Claus Giargieli del Pol Clo, mastrel.
- 1591 Claus Giargieli del Pol Clo, mastrel:
- 1592 Jan Keel, mastrel (firmet la finaschun cul prüm ravarenda protestant Tumesch Zeuth).
- 1593 Jan Keel, mastrel.
- 1599 Peter Jecklin, mastrel.
- 1604 Peter Jecklin.
- 1607 Clo Gregori.
- 1609 Valentin Loda, mastrel.
Steivan Casper à Jochberg, Cancellarius (Convenziun cul Quart 26 dec. 1609).
- 1610 Valentin Loda (surpiglia dbits dal cumön Filisur, v. Mohr 1412).
- 1611 Hans Schalkett.
Peter Fallet (compera als 29 gün 1611).
- 1614 Peder Loda, mastrel, e Pol Christ. Janett «da que temp elett güdisch» (14 nov. vegnan revais per la prüma vouta ils statuts, vair archiv No. 5).
- 1616 Joh. Peter Jecklin (sigillescha e sottascriva insembel cun Clo Modein la convenziun traunter Salis e Vertemati d'üna e Raf. Curtabati da l'otra vart, per via da minieras, «sainza pregüdizi ne per se stess ne per il sigil»).
- 1617 Joh. Peter Jecklin.
- 1618 Steffan Linard,
Steffan Casper Jochberg, Actuar.
- 1619 Valentin de Loda, delego a la Lia Chadè, mastrel.
- 1620 Clo Gregori, mastrel (Arbiter in causa Bossli a Filisur, tenor G. Bener, Monatsblatt 1944 No. 5).
Joh. Peter Jecklin (artschaiva stipendis in nom da sia dret-türa i'l import da R. 261 e bz. 1).
- 1622 Joh. Peter Jecklin, da que temp landamma da Bravuogn, 10 favr.
- 1626 Pol Giatrida, landamma,
Rav. Peder Zeuth, Actuar.

- 1627 Pol Giatrida, Landamma,
Rav. Peder Zeuth, Actuar.
 1632 Linard Jan Kehl e Vicar Joh. Salis,
Casper v. Jochberg, Aktuar.
 1633 Linard Jan Kehl e Vicar Joh. Salis
Casper v. Jochberg, Aktuar.
 1642 Casper v. Jochberg, landamma,
Paul Buol, scrivaunt.

Landammas:

- 1644 Clo Marchet Polclo
 1646 Paul Buol
 1648 Leonhard Köhl
 1650 Johann Planta Wildenberg
- 1651
- 1652 Nutin Gregori
 1654 Nutin Dusch
 1656 Peter v. Jochberg
 1658 Marchett Polclo e
Josch digl Josch Dschender
 1659 Marcus Paul Cla (inscripziun sül sain da la tuor)
 1660 Liet.n Clo v. Jochberg
 1662 Hartm. Planta Wildenberg
 1664 Pol v. Jochberg
Peder de Jochberg compera in convegna traunter las 3 vschi-
naunchas per via da pasculaziun in Ovalungia, scu mastrel
da Bravuogn.
 1666 Rudolf Schalkett
 1668 Giosch Köhl
(1669 in Estem)
 1670 Steffan Leonhardi
 1672 Hartm. Planta Wildenberg
Dal 1674 al gnit concess la podestaria pertuochanta a nos cumün
per 3 ans per 4000 R.

Scrivaunts:

- Peter v. Jochberg
 Clo Marchet Polclo
 Christoffel Janett
 Marchet Polclo
 eir Christoffel Janett, sco scri-
vaunt da la terra, in protocoll
 Marchiett Polclo, Nud. publ. in
 protocoll Cud. d'Estems
 Clo Gregori
 Marchett Polclo
 Steffan Leonhardi
 Pol v. Jochberg
- Marchett Polclo
 Christian Buol
 Giosch Köhl
- Joh. Peter Gregori
 Padruott Köhl e Daniel Gregori
- Steffan v. Jochberg
 Christian Buol

Landammas:

- 1674 Clo J. Polclo
 1676 Steffan v. Jochberg
 1677 compera el in protocoll i'l cudesch d'Estems ed in üna convegna cun il Quart.
 1678 Clo v. Jochberg
 1680 Hans Hartm. Planta Wildenberg, cur absaint prüm substitut füt Josch Köhl
 Clo J. Polclo, landamma (act da vschinedi per Pod. Ambros Planta)
 1682 Wolfgang v. Juvalta
 1684 Paul Paul Buol
 1686 Balthasar Schalket
 1688 Giosch Dschender
 1690 Gubert v. Salis
 Mastrel per la revisiun ledschas
 1692 Johann Polclo
 1694 Steffan Nic. v. Jochberg
 1696 Leonhard Giosch Köhl,
 1697 cooperet ill' expropriaziun da pros in Ovalungia
 1698 Christoffel Gregori
 1700 Rudolf v. Jochberg
 1702 Gubert v. Salis
 1704 Tieni Steffan Linard
 1706 Joh. Jacob Köhl

 1708 Cancell: Ulrich Polclo

 1710 Jacob Schucan Janett

 1712 Paul Buol

Scrivaunts:

- Wolfgang de Juvalta
 Paul Buol
 Casper v. Jochberg
 Nutin Gregori

 Marchet P. Pol Clo (idem)

 Paul Polclo
 Christoffel Gregori
 Nutin Clo Gregori
 Jan digl Giosch Polclo
 Jacob Schukan Janett e
 Paul Buol

 Rudolf N. v. Jochberg
 Jacob Dusch
 Christian Gregori, I. güdisch
 Guelf Juvalta † 1697, substitut
 Ml. Pol P. Buol
 Anton Steffan Leonhardi
 Pedar P. v. Jochberg
 Otto Paul Buol
 Clo M. Polclo
 Giosch Gregori
 Zoller Steffan v. Jochberg
 Marcus Martin Polclo, success.
 Josch Polclo
 Clo Dschender
 Josch Polclo scu scrivant illa convegna cun il Sursees per via da vtüras sur Alvra
 Marchet Polclo

Landammas:

- 1714 Gubert v. Salis
(convegna cun Filisur per via da terms 1715)
1716 Otto Paul Buol, litinent
1718 Clo M. Polclo
 Otto Paul Buol in convegna
 per terms sül Crapalv
1720 Clo Dschender
1722 Paul de Gregori ?
 Clo Dschender in convegna
 per terms sül Crapalv
1724 Clo Polclo
1725 in convegna cun Filisur per via da la ruotta sur Alvra.
1726 Junkr. Abraham v. Salis
1728 Jacob Buol
1730 Ulrich Pol Clo
1732 Gubert Abr. v. Salis
1734 Jan Steffan de Jochberg
1736 Hartmann Köll
1738 Jacob Brin Dschender
- 1740 Abraham Gubert v. Salis
1742 Ferdinand Juvalta
1744 Paulus Cr. Gregori
1746 Nuttin Pol Clo (Nicolay)
1748 Jacob Brin
1750 Peder à Juvalta
1751 in convegna cun Latsch per via da gods.
1752 Christian P. Buol
1754 Paul Jacob Buol
1756 Pol Clo Gregori
1758 Marco de Nicolay
 (March. Polclo)
1760 Nicolas Pol Clo
1762 Guelf de Ferd. Juvalta
1764 Pol J. Pol Clo
1766 Jan digl Josch Pol Clo
1768 Christoffel Gregori

Scrivaunts:

- Nutin de Johs. Schalkett
Steffan Nic. v. Jochberg
Clo P. Polclo

Clo Gregori
Hartmann Köhl

Jacob Buol
Jan Jochberg
Giargieli Sarena
Jan Battaglia
Johann N. Gregori
Clo Chr. Gregori
Pol Chr. Gregori
Gregori E. Gregori e
Nuttin J. Pol Clo
Pol Pol Buol
Nuttin J. P. Gregori
Paulus Jos. Pol Clo
Christian P. Buol
Pol C. Gregori
Plesch P. Fallett
Nuttin P. Fallett
Hans Christ. Brunett
Joachim J. Cloetta
Steivan Jan Jochberg

Jan digl Josch Pol Clo
Josch N. Gregori
Joan Otto P. Fallett
Nicolaus G. Gregori
Linarth L. Cloetta

Landammas:

1770 Ulrich Pol Gregori
 1772 Wolfgang Otto Juvalta
 1774 Jacob Chr. Buol
 1776 Clo C. Gregori
 1778 Pol P. Gregori
 1780 Giosch O. P. Pol Clo
 1782 Gian Batt. Gregori
 1784 Caspar J. Cloetta
 1786 Josch M. de Nicolay
 1788 Stefan Cloetta
 1790 Nuttin Jan Peder Gregori
 1792 Christoffel Pol Buol
 1794 Gasparo Gasp.ro Cloetta
 1796 Hans C. Gregori
 1798 Antoni Cloetta de Casper
 1800 Jodocus. (Giosch) M. de
 Nicolay
 1802 Armanno Gregori
 1804 Otto Wolfgang v. Juvalta
 1806 Otto Paul Buol
 1808 Johann Ulrich Gregori
 1810 Nicolo P. Gregori
 1812 Paul Ulrich Gregori
 1814 Jacob Braun Nicolay
 1816 Otto Paul Gregori
 1817 Josch M. Nicolai in convegna traunter Bravuogn e La Punt
 per vtüras sur Alvra.
 1818 Georg J. P. Gregori
 1820 Crisli N. Falett
 1822 Steffan Giov. Leonhardi
 1824 Casper de P. Cloetta
 1826 Giosch Lorenz, il I. da
 Filisur
 1828 Johann Jacob Buol
 1830 Nutin P. Nicolay
 1832 Nicolo N. Gregori
 1834 Casper C. Cloetta

Scrivaunts:

Jacob C. Buol
 Otto Paul Gregori
 Marchet Pol Clo
 Casper C. Cloetta
 Clo J. Dschender
 Steffan Cloetta
 Jacob Brunett
 Joh. Peter de Joh. Peter Gregori
 Antoni Falett
 Otto Paul de J. J. Buol
 Linard Nicolo Godli
 Joh. Ulrich Gregori
 Clo J. digl Pol Clo
 Jacob P. Cloetta
 Pol Ulrich Gregori
 Nicolo Piero Tott

 Nicolo Piero Tott
 Jacob Braun Nicolai
 Steffan Gian Leonhardi
 Nicolo Gregori
 Nutin M. Nicolay
 Paul Casp. Cloetta
 Joachim L. Cloetta
 Johann Peter N. Nicolai

 Christoffel Falett
 Marchett J. Nicolai
 Christoffel Hartm. Gregori
 Casper de Anton Cloetta
 Andrea P. Falett

 Leonhard Juvalta
 Johann Hartm. Gregori
 Leonhard Köhl Gregori
 Wolfgang N. Juvalta

Landammas:

- 1836 Leonhard O. Juvalta
- 1838 Anton P. Cloetta
- 1840 Johann Jacob Buol
- 1842 Wolfgang N. Juvalta
- 1844 Johann Jacob Buol
- 1846 Johann Jacob Buol
(restettan in uffizi fin 31 meg 1849).

Scrivaunts:

- Ulrich Gregori
- Paul Gregori
- Jacob Pol Casparis
- Johann Peter Gregori
- Paul P. Lorenz
- Giosch Nicolay

3. Landammas e scrivants dal circul.

1849 Ulrich Gregori	Otto Paul Buol
1851 Casper Josty (II. da Filisur)	Claudius Schmid
1853 Ulrich Gregori	Leonhard Godli
1855 Paul P. Lorenz, Filisur	Johann Peter Schmid
1857 Ulrich Gregori	Christian Serena, mag.
1859 Peter P. Lorenz, Filisur	Janett Cos
1861 Wolfgang Juvalta	Casper Cloetta
1863 Giosch Nicolay	Marchett Cloetta
1865 Jacob Godli	Peter Thomas Cloetta
1867 Paul P. Lorenz, Filisur	Leonhard Serena
1869 Peter Sprecher, Filisur	Paul Buol
1871 Paul Buol	Ulrich (Durei) Florinett
1873 Paul Buol	Johann Guidon, Latsch
1875 Johann Nett Schmidt	Johann Schmidt, Stul
1877 Christian Serena, Filisur	Christian Buchli, mag., Filisur
1879 Peter de Thom. Cloetta	Christoffel de Anton Cloetta
1881 Johann Guidun, il I. da Latsch	Tumesch Giandin, Latsch
1883 Ingr. Peter Anton Cloetta	Johann de Steff. Nicolay
1885 Ingr. Peter Anton Cloetta	Rudolf Godli †, dals 21. 11. 86
	davent Leonhard O. Juvalta
1887 Valentin Accola, Filisur	Anton Lorenz, Filisur
1889 Rg. Statth. Nicolo Battaglia	Johann Nicolay, mag.
1891 Giachen Guidun, mag., Br.	Leonhard Casparis
1893 Leonhard Serena	Christoffel Falett
1895 Anton Lorenz, Filisur	Joh. Peter Schmidt, Filisur
1897 Anton Lorenz, Filisur	Luzzi Schmid, Filisur

1899	Joh. Peter Schmidt, Br.	Tobias Branger, Bravuogn
1901	Joh. Peter Schmidt, Br.	Tobias Branger, Bravuogn
1903	Joh. Peter Schmidt, Br.	Tobias Branger, Bravuogn
1905	Johann Nicolay, Bravuogn	Leo Juvalta, Bravuogn
1907	Johann Nicolay, Bravuogn	Leo Juvalta, Bravuogn
1909	Johann Nicolay, Bravuogn	Leo Juvalta, Bravuogn
1911	Valentin Schmidt, Filisur	Heinr. Caviezel, mag., Filisur
1913	Valentin Schmidt, Filisur	Heinr. Caviezel, mag., Filisur
1915	Valentin Schmidt, Filisur	Heinr. Caviezel, mag., Filisur
1917	Christoffel Falett, Bravuogn	Oscar Schmidt, Bravuogn
1919	Christoffel Falett, Bravuogn	Oscar Schmidt, Bravuogn
1921	Joh. Bernhard, mag., Tain	Johann Gees, mag., Tain
1923	Luzi Schmid, Filisur	Giorgio Schmidt, Filisur
1925	Luzi Schmid, Filisur	Giorgio Schmidt, Filisur
1927	Oscar Schmidt, Bravuogn	Joh. Peter Gregori, Bravuogn
1929	Oscar Schmidt, Bravuogn	Franz Roedel, mag., Bravuogn
1931	Oscar Schmidt, Bravuogn	Franz Roedel, mag., Bravuogn
1933	Oscar Schmidt, Bravuogn	Linard Nicolay, Bravuogn
1935	Hch. Caviezel, mag., Filisur	Ludwig Ant. Sommerau, Filisur
1937	Hch. Caviezel, mag., Filisur	Ludwig Ant. Sommerau, Filisur
1939	Hch. Caviezel, mag., Filisur † 1. dec. 1940, substitut füt il prüm güdisch Linard Ni- colay	Ludwig Ant. Sommerau, Filisur
1941	Linard Nicolay, Bravuogn	Robert de Oscar Schmidt, Brav.
1943	Linard Nicolay, Bravuogn	Robert de Oscar Schmidt, Brav.

* * *

**Protocols dal cussagl da scoula da Bravuogn
d'avaunt 100 ans**

*Extrait dal cedesch da scoula da Bravuogn 1840—1849
mno da Svt. Ulrich Gregori (zieva Maschel Uori), sto
in quels ans chaschier da scoula.*

1840/1841

La scoula ho principio ils 17 d'october e düro 6 mais.

Magisters:	Johann Gregori per ils pitschens,	salari fl. 45.—
	N. Narold per la seguonda cl.	salari fl. 100.—
	Pol Nicolay per ils grands,	salari fl. 130.—
Scolars:	Scoula pitschna	32 scolars
	Scoula media	27 scolars
	Scoula granda	28 scolars totel 87 scolars
Peja:	Vschins 1. 16 blz.,	fulasters fl. 1.48
	Vschins 2. 32 blz.,	fulasters fl. 3.26
	Vschins 3. 48 blz.,	fulasters fl. 5.04

1841/1842

La scoula ho principio ils 19 d'october e düro 6 mais.

Magisters:	Pol O. P. Gregori per ils pitschens,	salari fl. 45.—
	Georg Bühler-Mathon per la II. cl.,	salari fl. 88.30 blz.
	Cr. Fallett per ils grands,	salari fl. 88.30 blz.
Scolars:	Scoula pitschna	30 scolars
	Scoula media	29 scolars
	Scoula granda	20 scolars totel 79 scolars
Peja:	1. scoula vschins ünguotta,	fulasters fl. 1.20
	2. scoula vschins ünguotta,	fulasters fl. 2.40
	3. scoula vschins ünguotta,	fulasters fl. 3.60

1842/1843

La scoula ho principio ils 19 d'october e düro 6 mais.

Magisters:	Cresli Fallett per ils pitschens,	salari fl. 50.—
	Schr. Georg Bühler-Mathon, II. cl.	salari fl. 95.—
	Paul O. P. Gregori per ils grands	salari fl. 120.—

Scolars:	Scoula pitschna	25 scolars
	Scoula media	27 scolars
	Scoula granda	22 scolars totel 74 scolars
Peja:	Scoula pitschna	vschins 13 blz., fulasters fl. 1.67
	Scoula media	vschins 26 blz., fulasters fl. 3.64
	Scoula granda	vschins 39 blz., fulasters fl. 5.61

1843/1844

La scoula ho principio ils 16 d'october e düro 6 mais.

Magisters:	Peder Joh. Falett per ils pitschens, salari fl. 41.—
	Paul N. Nicolay per la II. classa, salari fl. 70.—
	Svt. Christ. Gregori per ils gands, salari fl. 123.23 blz.

Scolars:	Scoula pitschna	25 scolars
	Scoula media	30 scolars
	Scoula granda	24 scolars totel 79 scolars
Peja:	Scoula pitschna	vschins ünguotta, fulasters fl. 1.40
	Scoula media	vschins ünguotta, fulasters fl. 3.10
	Scoula granda	vschins ünguotta, fulasters fl. 4.50

1844/1845

La scoula ho principio ils d'october e düro 6 mais.

Magisters:	Peder J. Falett per ils pitschens, salari fl. 41.—
	Christoffel Gregori per la II. cl., salari fl. 92.35 blz.
	Joseph J. Nicolay per ils grands, salari fl. 180.—
Scolars:	Scoula pitschna 29 scolars
	Scoula media 28 scolars
	Scoula granda 25 scolars totel 82 scolars

Peja:	I. classa 17 vschins à —.38 blz., 12 forests à fl. 2.—
	II. classa 18 vschins à 1.06 blz., 10 forests à fl. 4.—
	III. classa 20 vschins à 1.43 blz., 5 forests à fl. 6.—

Alla fin della scoula s'rechattaivan proprieted della scoula:

1. 4 maisas e 3 banchs chi sun miss in chesa da Landm. Leonhard Juvalta;
2. 1 tevla naira;
3. 16 hefts da Greith pr. chanter;
4. 14 dto. da Nägeli dto.
5. 1 Vocabulario da de Carisch sco eir Vorschriften e Manuscrits.

Essendo spiros ils ses ans temp da düreda fixo pr. ün bieni, schi ais il cussailg da scoula consistente our da Landm. Leonard Juvalta, Svt. Andrea Fallett, Svt. Ulrich Gregori, Sr. Johs. Gregori surtieu d'offizi e sun tschernieus: Sr. Rudolf Cloetta, Landm. W. Juvalta, Svt. Pol O. P. Gregori, Svt. Ulrich Gregori pr. ils 6 anns prossims consecutivfs.

1845/1846

La scoula ho principio ils 21. October e düro 6 mais. Magisters sun stos: Sr. Joseph J. Nicolay (il quêt ais accordo pr. aucha tschinch ans prossims pr. il istess salari e condiziuns tenor acoard) per ils grands con salari da fl. 200.—

Sr. Johs. H. Gregori per la seguonda classa con salari fl. 109.23 blz.

Sr. Nutin H. Falett per ils pitschens, salari fl. 45.—

Pajo pr. ils grands la stiva gio tar Dna. Jacobea Sarena fl. 6.—

Scolars: I. Classa 32 scolars

II. Classa 29 scolars

III. Classa 26½ scolars totel 87½ scolars

Peja: I. Cl. 21 vschins à —.60 blz., 11 forests à fl. 2. 8 blz.

II. Cl. 18 vschins à 1.50 blz., 11 forests à fl. 4.16 blz.

III. Cl. 22½ vschins à 2.40 blz., 4 forests à fl. 6.24 blz.

1846/1847

Principi della scoula ils 23. October e düro ses mais.

Sr. Joseph J. Nicolay pr. la classa dels grands, salari fl. 200.—

Jgfr. Chatrina H. Falett pr. la classa seguonda, paja fl. 80.—

Sr. Nutin H. Fallett pr. ils pitschens, salari fl. 50.—

Pajo pr. la stiva da Dna. Jacobea Sarena pr. ils grands fl. 9.—

fl. 339.—

Scolars: I. classa 16 forests à fl. 1.60 fl. 29.50 blz.

19 vschin à fl. —.43 fl. 11.47 blz.

II. classa 10 forests à fl. 3.50 fl. 37.10 blz.

18½ vschins à fl. 1.16 fl. 22.51 blz.

III. classa 6 foresas à fl. 5.40 fl. 33.30 blz.

24 vschins à fl. 1.59 fl. 44.16 blz.

transport fl. 178.64 blz.



B. Pünger

	report	fl. 178.64 blz.
Intro il fit da Abys e Sprecher pr 1846		fl. 80.— blz.
Intro il fit da Landm. Ulr. Rüedi, Cazis, 1846		fl. 47.35 blz.
Intro il fit della cassa di risparmio pr. 1846		fl. 32.44 blz.
93½ scolars		<hr/> fl. 339. 3 blz.

1847/1848.

La scoula ho principio ils 19. October e düro ses mais.

Sr. Svt. Joseph J. Nicolay pr. la classa dals grands, salari	fl. 200.—
Sr. Svt. Christoffel Gregori pr. la classa seguonda, salari	fl. 100.—
Jungfr. Chatr. H. Fallett, pr. la cl. dels pitschens, salari	fl. 45.—
Pajo pr. la stiva da Dna. Jacobe Sarena pr. ils grands	fl. 9.—
	<hr/> fl. 354.—

Sculars:	I. classa 14 vschins à —.53 blz.	= fl. 10.42 blz.
	14 forests à 2.30 blz.	= fl. 28.42 blz.
	II. classa 20 vschins à 1.36 blz.	= fl. 30.20 blz.
	8 forests à 4. 6 blz.	= fl. 32.48 blz.
	III. classa 24 vschins à 2.19 blz.	= fl. 54.36 blz.
	6 forests à 6. 9 blz.	= fl. 36.54 blz.
Intro fits del fondo da scoula pr. 1847		= fl. 161.63 blz.
	86 scolars	<hr/> fl. 355.25 blz.
Il avanzo ais regalo alla Jungfr. Magistra		fl. 1.25 blz.

1848/1849.

Düreda da scoula, magisters e salaris sco l'an avaunt fl. 354.—

Sculars:	I. classa 19 vschins à —.43 blz.	= fl. 11.47 blz.
	16 forests à 1.55 blz.	= fl. 28.40 blz.
	II. classa 21 vschins à 1.16 blz.	= fl. 25.56 blz.
	10 forests à 3.40 blz.	= fl. 35.50 blz.
	III. classa 26 vschins à 1.59 blz.	= fl. 47.64 blz.
	7 forests à 5.25 blz.	= fl. 37.35 blz.

Uorschla Durei Jandin chi ais teda be mez temp	= fl. 3.— blz.
Ulrich Sutter, chi ais sto be 2 mais, paja	= fl. 1.35 blz.
Fitt del fondo della cassa da scoula	<hr/> = fl. 162.63 blz.
99 scolars	fl. 354.40 blz.
Il avanzo ais sto regalo alla gfr. Magistra	fl. 40 blz.